

## **Pedro de Santafé**

(Zaragoza, siglo XV)

D'a corte d'Alfonso V emos de destacar a lo poeta Pedro de Santafé que escribió o *Cancionero de Palacio*, arredol de 1450, en castellano, si bien a suya luenga dixa trasluzir numerosos aragonesismos

Pedro de Santa Fe debaba estar zaragozano y tal vez estase un funzionario d'a corte, dada a suya condición de bachiller. En 1418 rezibió una aduya d'o Magnanimo pa continuar os suyos estudios, pa seguir parando-se en a Universidat y obtener o grau de lizenziau. Ye dezir, o monarca se preocupó por a formazión d'o poeta y actuó como o suyo mezenas bosando-le parte d'a mesma. Iste feito ye importán porque a edat d'o rei alavez yera de vintidós años y tan solo teneba un de reinau; y porque ista labor de mezenazgo exerzida por l'Alfonso V con Pedro de Santa Fe dende os inizios d'o suyo gobierno no sería a unica.